

ויעקב מאת פני יצחק אביו
 לא ועשו אחיו בא מצידו: ויעש
 גם-הוא מטעמים ויבא לאביו
 ויאמר לאביו יקם אבי ויאכל
 מציד בנו בעבר תברכני נפשך:
 לב ויאמר לו יצחק אביו מי-אתה
 ויאמר אני בנה בכרך עשו:
 לג ויחרד יצחק חרדה גדולה עד-
 מאד ויאמר מי-אפוא הוא
 הצד-ציד ויבא לי ואכל מכל
 בטרם תבוא ואברכהו גם-
 לד ברוך יהיה: כשמע עשו את-
 דברי אביו ויצעק צעקה גדולה
 ומרה עד-מאד ויאמר לאביו
 לה ברכני גם-אני אבי: ויאמר בא
 אחיך במרמה ויקח ברכתך:
 לו ויאמר הכי קרא שמו יעקב
 ויעקבני זה פעמים את-בכרתי
 לקח והנה עתה לקח ברכתי
 ויאמר הלא-אצלת לי ברכה:
 לי ויען יצחק ויאמר לעשו הן
 גביר שמתיו לך ואת-כל-אחיו
 נתתי לו לעבדים ודגן ותירש
 סמכתיו ולכה אפוא מה
 לח אעשה בני: ויאמר עשו אל-
 אביו הברכה אחת הוא-לך
 אבי ברכני גם-אני אבי וישא
 לו עשו קלו ויבך: ויען יצחק
 אביו ויאמר אליו הנה משמני
 הארץ יהיה מושבה ומטל

מ השמים מעל: ועל-חרבה
 תחיה ואת-אחיק תעבד והיה
 כאשר תרוד ופרקת עלו מעל
 מא צוארך: וישטם עשו את-
 יעקב על-הברכה אשר ברכו
 אביו ויאמר עשו בלבו יקרבו
 ימי אבל אבי ואהרגה את-
 מב יעקב אחי: ויגד לרבקה את-
 דברי עשו בנה הגדל ותשלח
 ותקרא ליעקב בנה הקטן
 ותאמר אליו הנה עשו אחיק
 מג מתנחם לך להרגה: ועתה בני
 שמע בקלי וקום ברח-לך אל-
 מד לבן אחי חרנה: וישבת עמו
 ימים אחדים עד אשר-תשוב
 מה חמת אחיק: עד-שוב אף-
 אחיק ממה ושכח את אשר-
 עשית לו ושלחתי ולקחתיה
 משם למה אשכל גם-שניכם
 מו יום אחד: ותאמר רבקה אל-
 יצחק קצתי בחיי מפני בנות
 חת אם-לקח יעקב אשה
 מבנות-חת כאלה מבנות
 כח הארץ למה לי חיים: ויקרא
 יצחק אל-יעקב ויברך אתו
 ויצוהו ויאמר לו לא-תקח
 ב אשה מבנות כנען: קום לך
 פדנה ארם ביתה בתואל אבי
 אמה וקח-לך משם אשה
 ג מבנות לבן אחי אמה: ואל שדי

יברך אתך ויפרך וירבה והיית
 י לקהל עמים: ויתן-לך את-
 ברכת אברהם לך ולזרעך
 אתך לרשתך את-ארץ מגריך
 אשר-נתן אלהים לאברהם:
 שביעי ה וישלח יצחק את-יעקב וילך
 פדנה ארם אל-לבן בן-בתואל
 הארמי אחי רבקה אם יעקב
 י ועשו: וירא עשו כי-ברך יצחק
 את-יעקב ושלח אתו פדנה
 ארם לקחת-לו משם אשה
 בברכו אתו ויצו עליו לאמר
 לא-תקח אשה מבנות כנען:
 מפטיר ז וישמע יעקב אל-אביו ואל-
 ח אמו וילך פדנה ארם: וירא
 עשו כי רעות בנות כנען בעיני
 ט יצחק אביו: וילך עשו אל-
 ישמעאל ויקח את-מחלתו
 בת-ישמעאל בן-אברהם
 אחות נביות על-נשיו לו
 לאשה:
 ויצא י ויצא יעקב מבאר שבע
 יא וילך חרנה: ויפגע במקום
 וילן שם כי-בא השמש
 ויקח מאבני המקום וישם
 מראשתיו וישכב במקום
 יב ההוא: ויחלם והנה סלם מצב
 ארצה וראשו מגיע השמימה
 והנה מלאכי אלהים עלים
 יג וירדים בו: והנה יהוה נצב